

Vijesti...

Zastupnici MOST-a pozvali Plenkovića i Milanovića da upotrijebe vojsku

Hoće li Hrvatska izvesti vojsku na granicu s BiH?

Troskot je naveo da je hrvatski premijer sebe "od žena koje rade u pravosudnom aparatu" zaštitio slanjem vojske, obavještajne službe i specijalne policije i da ga ne bi začudilo kada bi poslao i zrakoplove Rafale.

Zastupnici Mosta u Hrvatskom saboru Zvonimir Troskot i Marin Miletić poručili su u petak iz Vojnića da druge članice Europske unije zatvaraju granice pod invazijom migranata te da bi Hrvatska treba angažirati vojsku na granici s Bosnom i Hercegovinom.

Pozvali su hrvatskog predsjednika Zorana Milanovića i premijera Andreja Plenkovića da to dogovore.

Odvraćanje

Troskot je objasnio da bi vojska prvotno imala ulogu odvratanja migranata od nezakonitog prelaska granice s obzirom da se na to ne bi olako odlučili znajući za njezinu prisutnost.

- Kad je vojska na granicama, upozoreni ste jednom, pa drugi puta, a treći puta ona reagira kao što bi reagirala u Siriji, Iranu, Afganistanu ili nekoj drugoj suverenoj zemlji - rekao je Troskot na pitanje što bi bila druga uloga vojske.

Miletić je dodao da bi na pitanje o načinima djelovanja mogao odgovoriti hrvatski vojni vrh, prenosi Hina.

Troskot je naveo da je hrvatski premijer sebe "od žena koje rade u pravosudnom aparatu" zaštitio slanjem vojske, obavještajne službe i specijalne policije i da ga ne bi začudilo kada bi poslao i zrakoplove Rafale.

- Treba zaštititi svaku osobu, a ne zaštitu privatizirati. Ako premijer može uživati zaštitu devet ešalona obavještajnih službi, policije i vojske, to zaslužuju i naši ljudi. Svaki čovjek u Hrvatskoj zaslužuje zaštitu kakvu on uživa. Za to će



se boriti Klub Mosta - poručio je Troskot.

Upravljač u Bruxellesu

Nastavio je da je Plenković odbio mogućnost ograđivanja državne granice žicom, "a kod prvog pucnja na Markovom trgu je iz straha dignuo ogradu, pa tamo ne mogu proći ni saborski zastupnici ni turisti".

Pozvao je institucije da reagiraju "dok ne bude prekasno".

- Vrijeme curi, broj migranata se uvećava, a i strah stanovništva. Zagreb još ne vidi tu opasnost, a posebno salonaška politika. Komuniciramo što nam ljudi govore - napomenuo je.

Miletić je ustvrdio da "Plenković na daljinski upravljač iz Bruxellesa

radi od Hrvatske žarišnu točku i prodaje nacionalne interese za neke svoje pozicije moći".

- Krajnje je vrijeme, ako zbog ničega drugog, onda zbog izbora da pokažu malo odvažnosti i zaštite granice jer bi svaka vlast trebala prvenstveno služiti svome narodu, a ne stranim centrima moći - poručio je Miletić.

BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Općina Stari Grad Sarajevo
Općinski Načelnik



Bosnia and Herzegovina
Federation of Bosnia and Herzegovina
Canton Sarajevo
Municipality of Stari Grad Sarajevo
Municipality Mayor

Na osnovu člana 30. Zakona o namještenicima u organima državne službe u Federaciji Bosne i Hercegovine ("Službene novine Federacije Bosne i Hercegovine", broj: 49/05 i 103/21), v.d. načelnika Općine Stari Grad Sarajevo, r a s p i s u j e

JAVNI OGLAS za prijem namještenika u radni odnos na određeno vrijeme

Službi za imovinsko-pravne, geodetske poslove i katastar i stambene poslove - Odsjek za geodetske poslove i katastar

- Viši referent za poslove harmonizacije (usklađivanje podataka u katastarskom operatu) 1 izvršilac.

Radni odnos se zasniva na određeno vrijeme, dok postoji potreba za obavljanjem navedenih poslova, a najduže 2 (dvije) godine.

Posebni uslovi: SSS - Srednja geodetska škola, položen stručni ispit, poznavanje rada na računaru (Auto Cad - Civil Designe, Kat.ba), poznavanje rada na geodetskim instrumentima i najmanje 10 (deset) mjeseci radnog staža.

Javni oglas ostaje otvoren 15 (petnaest) dana od dana posljednje objave u dnevnim listovima.

Prijave na Javni oglas dostaviti putem protokola Općine ili preporučenom poštom na adresu: **OPĆINA STARI GRAD SARAJEVO, ul. Zelenih beretki br. 4, 71000 Sarajevo** sa naznakom: "Za Javni oglas za popunu radnog mjesta namještenika na određeno vrijeme" (navesti naziv radnog mjesta na koje se kandidat prijavljuje). Nepotpune i neblagovremene prijave kao i prijave kandidata koji ne ispunjavaju uslove iz Javnog oglasa neće se uzeti u meritorno razmatranje.

Kompletan tekst javnog oglasa dostupan je na općinskoj web stranici www.starigrad.ba (javni pozivi, konkursi, oglasi).

Broj: 01-30-6801/23
Datum, 07.10.2023. godine

v.d. NAČELNIKA
OPĆINE STARI GRAD SARAJEVO
Mirsada Smajić, dipl.iur.

Sarajevo, Zelenih beretki 4
Centrala: 033/282-300, Info pult: 033/282-422
www.starigrad.ba
info@starigrad.ba



Poskupljuje plin

Energoinvest traži od Vlade FBiH odobrenje za korekciju cijene

Energoinvest obavještava javnost da je na bazi novodostavljene cijene prirodnog plina za četvrti kvartal 2023. godine od ruskog isporučioča Gazprom Exporta, izvršio rekalkulaciju troškova i cijene prirodnog plina za tarifne kupce koju odobrava Vlada Federacije BiH.

- Zahtjev za korekciju cijene prirodnog gasa dostavljen je Vladi jučer i on sumarno rezultira s ukupnim povećanjem cijene prirodnog plina u postotnom iznosu od 4,96 posto u odnosu na cijenu iz predhodnog kvartala.

Na povećanje cijene prirodnog plina je utjecao porast cijene naftnih derivata koji utječu na formiranje proizvođačkih cijena prirodnog pli-

na. Također je došlo do trenda povećanja vrijednosti USD u odnosu na EUR i KM, što je sumarno rezultiralo navedenim povećanjem - priopćili su iz Energoinvesta i dodali:

- Ukoliko Vlada FBiH odobri navedeni zahtjev, nova prodajna cijena prirodnog plina prema distributeru Sarajevogas iznosit će 0,837 KM/m³ u odnosu na cijenu iz predhodnog kvartala koja je iznosila 0,797 KM/m³, i primjenjivat će se od 01.10.2023. godine.

Iz Energoinvesta ističu da je ovo prvo povećanje cijene prirodnog plina u 2023. godini, te da je do sada u periodu od 01.01.2023. do 30.09.2023. godine cijena plina umanjena za 37,4 posto u odnosu na zadnji kvartal 2022. godine.